

ঐচ্ছিক দুঃখ

Asif Adnan

June 4, 2020

4 MIN READ

মাযলুমের কষ্ট আসলে উপলব্ধি করা যায় না, বিভিন্ন সময়ে বিষয়টা আমি খুব তীব্রভাবে অনুভব করেছি। যে যুলুমের শিকার না, সে মাযলুমের কষ্টের সাথে রিলেট করতে পারে না। মাযলুমের কষ্ট তার কাছে অ্যাবস্ট্রাক্ট একটা বিষয়। যতোক্ষন পর্যন্ত সে নিজে যুলুমের স্বীকার না হচ্ছে ততোক্ষন সে এই কষ্টের ধরন বুঝতে পারবে না। যার প্রিয় জন কখনো বন্দী হয়নি সে কখনো বুঝবে না এ অভিজ্ঞতাটা কেমন। যে কখনো নির্যাতিত হয়নি সে বুঝবে না যে আসলে এই অপমান এবং কষ্ট কেমন। যে কখনো সন্তান হারায়নি সে বুঝবে না সন্তান হারানোর কষ্ট।

আমরা যারা দূর থেকে দেখি তাদের জন্য এগুলো হল সুইচ দেয়া এম্প্যাথি বা সহমর্মিতা। আমি দুই মিনিট মাযলুমকে নিয়ে চিন্তা করে অ্যাবস্ট্রাক্ট কিছু কষ্ট অনুভব করি। তারপর 'সহমর্মিতাবোধের' সুইচ বন্ধ করে পাঁচ মিনিট কোন মজার ভিডিও দেখে হাসাহাসি করি। তারপর পাঁচ ঘন্টা নিজের জীবিকা, পরিবার ইত্যাদি নিয়ে ব্যস্ত থাকি। আমার কষ্টবোধ, আমার সহমর্মিতা হচ্ছে করলেই সুইচ টিপে বন্ধ করা যায়।

কিন্তু যে যুলুমের শিকার হচ্ছে, তার জন্য বিষয়টা ঐচ্ছিক না। তার পক্ষে এ যুলুম থামানো সম্ভব না। জেগে থাকা প্রতিটি মুহূর্ত তার এই কষ্টের মধ্যেই কাটাতে হয়। আমি যেভাবে চিন্তা করতে পারি সেভাবে চিন্তা করার বিলাসিতা তার নেই। মাযলুম আর আমি দুটো ভিন্ন জগতে থাকি। দুটোর রঙ আলাদা, কাঠামো আলাদা। আমাদের মাইন্ডসেট এবং হেডস্পেইস আলাদা। তাই যুলুম থেকে নিরাপদ দূরত্বে থেকে আমরা 'মানবতা' আর সুশীলতা দেখাতে পারি। আমার পারাটাই স্বাভাবিক কারণ আমি তো থার্ড পার্টি। যুলুম কমা বাড়ায় আসলে, রিয়েল টার্মসে, আমার কিছু যায় আসে না।

কিন্তু যখন আমাদের সাথে ছোট ছোট যুলুম হয় তখন আমরা ক্ষোভে ফেটে পড়ি। প্রচন্ড রাগে কাপতে কাপতে যালিমকে অভিশাপ দেই। আমার সন্তানের একটু ভুল চিকিৎসা, আমার কোন হক নষ্ট হওয়া, কিংবা বিকট শব্দে মাইক চালানোর মতো আপাত তুচ্ছ বিষয়ে আমরা অগ্নিশর্মা হয়ে যাই। একটা মোটামুটি মানের নৃশংস রেইপ আমাদের আশেপাশে ঘটেলে আমরা কঠিন শাস্তির জন্য কঠিন কঠিন কথা বলি। কারণ এগুলো আমাদের সাথে ঘটে, আমাদের আশেপাশে ঘটে। তাই এই যুলুম, এই কষ্ট আমাদের আপন মনে হয়। আর সেই মনে হওয়া অনুযায়ী আমাদের প্রতিক্রিয়া হয়।

কিন্তু যখন ৩০ লক্ষ মানুষকে কনসেন্ট্রেশন ক্যাম্পে বন্দী রাখা হয়। ৩৫ বছরের নিচের প্রায় সব নারীপুরুষকে গণহারে ধর্ষন করা হয়। যখন নারীদের বাধ্যতামূলক গর্ভপাত (অনেক সময় কোন অ্যানেসথেশিয়া ছাড়া) করানো হয়। যখন নারী ও পুরুষের প্রজনন ক্ষমতা নষ্ট করে দেয়া হয়। যখন তাদের অঙ্গ প্রত্যঙ্গ বিক্রি করা হয়। যখন সন্তানদের পিতা-মাতার কাছ থেকে আলাদা করা হয়। যখন বাধ্য করা ইসলামের সমালোচনা করতে, গালি দিতে। যখন নিয়ম করে নির্যাতন করা হয়। যখন জোর করে মদ আর শূকরের মাংশ খাওয়ানো হয়। রোযা রাখতে বাধ্য দেয়া হয়। যখন মুসলিম নারীদের বিছানায় ৩২ দাত বের করে হাসতে থাকা হান চাইনিষদের উঠিয়ে দেয়া হয়। তখন আমরা সেটার মাত্রা বোঝার ধারেকাছে আমরা পৌছাতে পারি না। পৌছাতে তো পারি-ই না পৌছানোর চেষ্টাও করি না। কারণ এই যুলুম আমাকে প্রভাবিত করে না। এর সাথে আমার কোন সম্পর্ক নেই। এটা আমার জন্য অ্যাবস্ট্রাক্ট কিছু একটা।

আর এই কষ্টের ছিটেফোঁটাও আমি অনুভব করি না দেখেই, আমি ঐসব মানুষের জন্য সাফাই গাইতে পারি, আবেগে গদগদ হতে পারি, যাদের চোখের সামনে, যাদের সক্রিয় ও নিষ্ক্রিয় সমর্থনে বছরের পর বছর এই নির্যাতন চলে। যারা উত্তেজিত হয়ে উইঘুর নারীদের বিছানায় ওঠার জন্য মুখিয়ে থাকে। যারা বছরের পর বছর দেশেবিদেশে এই নির্যাতনকে সমর্থন করে। যখন কেউ এই নির্যাতনের বিরুদ্ধে কথা বলতে যায় তখন তাঁকে দোলবেঁধে আক্রমণ করে। যারা মসজিদ বানানোর মতো নির্দোষ

বিষয়ের বিরুদ্ধে নিজেরা নিজেরা ক্যাম্পেইন শুরু করে, মসজিদের সামনে গিয়ে শূকরের রক্ত আর মাথা ফেলে আসে। আর এভাবে শাসকদের হাতে যুলুমের আরো রসদ তুলে দেয়।

এই ত্রিশ লক্ষ মুসলিমের অবর্ণনীয় কষ্ট ছাপিয়ে আমার কাছে গুরুত্বপূর্ণ আমার নিজের দেখা সাড়ে তিন জন কিংবা বেশি হলে ত্রিশ জন চাইনিষের বাস্তবতা। আমি তাদের জন্য সাফাই গাই কারণ আমি হয়তো কোন এক সময় চায়না গিয়েছিলাম বা থেকেছিলাম, কিংবা আমার কোন ক্লায়েন্ট চাইনিষ কিংবা আমার কোন বন্ধু চায়না থাকে। আর আমি ওদের ভালো পাই। তাই আমি আমার জায়গা থেকে রায় দেই, ওদের নির্দোষ হওয়া নিয়ে। কারণ আমি তো রায় দেয়ার মতো উপযুক্ত অবস্থায় আছি! আমার বিচারবিবেচনা এই সাড়ে তিন থেকে ত্রিশ জনের বাইরে যায় না। আমি আমার দেখা এক চিলতে ছবিটাকে বাস্তবতা মনে করে সুশীল হই। আমাদের এই সুশীলতা ততোক্ষণ টিকে থাকবে যতোক্ষণ এই যুলুম আমাদের জন্য দূরবর্তী 'কিছু একটা' হবে।

আরো অনেক কথা বলা যায়। বলা দরকার। কিন্তু ইচ্ছে করছে না। মুখে তিন্ত একটা স্বাদ অনুভব করছি। কয়েকটা ভিডিও লিঙ্ক দেওয়া আছে নিচে, ইচ্ছে হলে সময় করে দেখতে পারেন। যদি দেখার মত সময় আপনার হাতে থাকে, তাহলে এগুলো দেখে এই মানুষগুলোর জায়গায় নিজেকে বসাবার চেষ্টা করবেন।

আল্লাহর কুরআনের বক্তব্য দিয়ে শেষ করি।

আর যদি তারা দ্বীনে ব্যাপারে তোমাদের নিকট কোন সহযোগিতা চায়, তাহলে সাহায্য করা তোমাদের কর্তব্য। [তরজমা, আল-আনফাল, ৭২]

তোমাদের এসব উম্মাত তো একই উম্মাত (যারা একই দ্বীনের অনুসরণ করে), আর আমিই তোমাদের প্রতিপালক, কাজেই আমাকেই ভয় কর। [তরজমা, সূরা আল-মু'মিনুন, ২৩]

* * *

১। Uighur families describe pain of being separated from children - <https://www.youtube.com/watch?v=P1vyXjXxWZo>

২। China is putting Uighur children in 'orphanages' even if their parents are alive - <https://bit.ly/3bhsYp7>

৩। China, where are my children? - <https://www.youtube.com/watch?v=VRS5cdcsUOc>